

**Sachche Shāgird
ke
Anmiṭ Nishān**



sachche shāgird ke anmiṭ nishān
Indelible Marks of a True Disciple

by Bakhtullah

[*Ao, Khud Dekh Lo 32*]

(Urdu—Roman script)

© 2024 www.chashmamedia.org

published and printed by

Good Word, New Delhi

The title cover is derived from Clker-Free-Vector-Images
<https://pixabay.com/illustrations/human-feet-footprint-pattern-feet-6300803/>; <https://pixabay.com/illustrations/texture-vintage-aged-paper-light-318903/>.

Bible quotations are from UGV.

for enquiries or to request more copies:
askandanswer786@gmail.com

Fahrist

Masīh ke Jalāl meñ Sharīk	1
Badlī Huī Zindagī	3
Shaitānī Tāqatoñ se Mahfūz	6
Ḳhudā ke lie Maḳhsūs	10
Birādarī meñ Ek	12
Ek Din Masīh ke Pās	15
Injīl, Yūhannā 17:1-26	17

Īsā Masīh jāntā thā ki jald hī dushman mujhe salīb par charhākar mār ḍāleṅge. Us ne apne shāgirdoñ ko ākhirī hidāyāt dīñ, phir apnī nazar āsmān kī taraf uṭhākar duā kī.

► *Duā kā kyā maqsad thā?*

Maqsad yih thā ki wuh apne shāgirdoñ ko Ḳhudā Bāp ke supurd kare. Is duā meñ sachche shāgird ke chhih nishān dikhāi dete haiñ. Pahlā nishān,

Masīh ke Jalāl meñ Sharīk

Īsā Masīh ne farmāyā,

Ai Bāp, waqt ā gayā hai. Apne Farzand ko jalāl de tāki Farzand tujhe jalāl de. Kyonki tūne use tamām insānoñ par iḳhtiyār diyā hai tāki wuh un sab ko abadī zindagī de jo tūne use die haiñ.

(Yūhannā 17:1-2)

► *Īsā Masīh Ẹhudā Bāp se kyā pānā chāhtā hai?*
Jalāl.

► *Wuh kyon jalāl pānā chāhtā hai?*

Jalāl pāne kā ek hī maqsad hai, yih ki wuh Ẹhudā Bāp ko jalāl de. Matlab hai jo bhī kām Īsā Masīh kare is se Ẹhudā Bāp ko izzat-o-jalāl mile.

► *Īsā Masīh kis tarah Ẹhudā Bāp ko jalāl denā chāhtā hai?*

Wuh apnī jān insān kī Ẹhātir dene se Ẹhudā Bāp ko jalāl denā chāhtā hai. Kitnā anokhā Ẹhyāl! Aisī soch duniyā kī soch se kahīn dūr hai. Duniyā ke Ẹhyāl meñ Īsā Masīh apnī jān dene se fail ho gayā. Wuh yih kabhī nahīn mān saktī ki kisī kī salībī maut Ẹhudā ko jalāl de saktī hai.

► *Bāp ne Īsā Masīh ko insānon par iẸhtiyār kyon diyā?*

Islie ki wuh apnī jān dene se insān ko abadī zindagī de. Yahī to us ke āne kā maqsad thā. Aur isī se use jalāl milegā.

- *Yih bāt hamāre lie kyon ahm hai ki Masīh ko jalāl milegā?*

Yih bāt islie ahm hai ki jo bhī Masīh par imān lātā hai wuh us ke jalāl meñ sharīk ho jātā hai. Yūhannā 15 meñ ham sīkh chuke haiñ ki Īsā Masīh angūr kī bel hai. Uskī jalālī rāh se hī ham us se juṛ gae haiñ, ham uskī shāḳheñ ban gae haiñ. Uskī jalālī rāh se hī hameñ uskī abadī zindagī mil gaī hai. Aur uskī jalālī rāh se hī ham uskī shān-o-shaukat meñ sharīk ho gae haiñ.

- *Kyā āp is bel meñ juṛkar us ke jalāl meñ sharīk ho gae haiñ?*

Sachche shāgird kā dūsrā nishān,

Badlī Huī Zindagī

Ab Īsā Masīh ne Bāp ko apnī ḳhidmat kā achchhā natijā pesh kiyā.

- *Natijā kyā thā?*

Shāgirdoñ kī badlī huī zindagī. Us ne farmāyā,

Maiñne terā nām un logoñ par zāhir kiyā jinheñ tūne duniyā se alag karke mujhe diyā hai. Wuh tere hī the. Tūne unheñ mujhe diyā aur unhoñ ne tere kalām ke mutābiq zindagī guzārī hai.
(Yūhannā 17:6)

► *Masīh kī khās khidmat kyā thī?*

Us ne logoñ par Ḳhudā Bāp kā nām zāhir kiyā.

► *Ḳhudā kā nām zāhir karne kā kyā matlab hai?*

Matlab yih hai ki us ne Ḳhudā kī fitrat zāhir kī. Sachchā shāgird banane ke lie zarūrī hai ki ham jān leñ ki Ḳhudā ham se muhabbat rakhtā hai aur hameñ apne qarīb lānā chāhtā hai, ki us ne hameñ qarīb lāne ke lie apnā Farzand qurbān kiyā. Yahī bāteñ us ke nām meñ pinhāñ haiñ.

► *Jab Ḳhudā kā nām shāgirdoñ par zāhir huā to un meñ kyā tabdilī āī?*

Īsā Masīh ne farmāyā,

Unhoñ ne tere kalām ke mutābiq zindagī guzārī hai. Ab unhoñ ne jān liyā hai ki jo kuchh bhī tūne mujhe diyā hai wuh terī taraf se hai. Unhoñ ne yih bāteñ qabūl karke haqīqī taur par jān liyā ki main tujh meñ se nikalkar āyā hūñ. Sāth sāth wuh imān bhī lāe ki tūne mujhe bhejā hai. (Yūhannā 17:6-8)

► *Kyā tabdīlī āī?*

Kalām sunane se un kā chāl-chalan badal gayā.

► *Yih tabdīlī kyon āī?*

Unhoñ ne jān liyā hai ki Masīh kā kalām aur kām Ḳhudā kī taraf se hai, ki Īsā Masīh Ḳhudā Bāp se nikal āyā hai jis ne use bhejā hai.

Dekho, hamārī tabdīlī sarāsar Masīh par mabnī hotī hai. Jab ham angūr kī is bel se juṛ jāte haiñ to uskā ras hamārī zindagī badal detā hai. Us ras ke baḡhair ham janglī aur be-kār phal lāte haiñ, aisā phal jis se sab ko ghin ātī hai. Lekin jab uskā ras hamāre ragon meñ dauṛtā hai to ham mīṭhā aur

rasilā phal lāte haiñ, aisā phal jo har ek chakhkar wāh, wāh kahtā hai.

► *Kyā āp meñ bel se lāi yih tabdīlī āi hai?*

Sachche shāgird kā tīsrā nishān,

Shaitānī Tāqaton se Mahfūz

Ab tak Īsā Masīh shāgirdon ke sāth thā. Uskī maujūdagī meñ wuh hameshā mazbūt rahe the, kyonki wuh un kā achchhā charwāhā thā. Lekin ab wuh apne Bāp ke pās wāpas jā rahā thā. Ab kyā hogā? Yahī duā kā markazī maqsad thā. Is meñ Īsā Masīh ne unheñ Ḳhudā Bāp ke supurd kiyā tāki wuh unheñ mahfūz rakhe. Īsā Masīh ne is kī wajah bhī batāi,

Jinheñ tūne mujhe diyā hai [...] wuh tere hī haiñ. (Yūhannā 17:9)

Ḳhudā Bāp Ḳhud ne imāndāron ko alag karke Masīh ko diyā thā (Yūhannā 17:6). Ab Īsā Masīh ne unheñ dubārā us ke supurd kiyā. Us ne farmāyā,

Quddūs Bāp, apne nām meñ unheñ mahfūz rakh. [...] jitrñ der main un ke sāth rahā mainne unheñ tere nām meñ mahfūz rakhā, usī nām meñ jo tūne mujhe diyā thā. (Yūhannā 17:11-12)

► *Īsā Masīh ne unheñ kis nām meñ mahfūz rakhā thā?*

Ḳhudā Bāp ke nām meñ.

► *Us ke nām meñ wuh kyon mahfūz the?*

Nām meñ Ḳhudā kā pūrā kirdār hai. Us meñ uskī apne logoñ ke lie muhabbat aur wafādārī hai. Yahī nām Īsā Masīh ne apne shāgirdoñ par zāhir kiyā thā, aur isī meñ us ne unheñ mahfūz rakhā thā. Ab wuh chāhtā hai ki Ḳhudā Bāp yih kām jāri rakhe.

► *Kyā mahfūz rahne se mushkilāt kam ho jāengī?*

Nahīn. Īsā Masīh ne farmāyā,

Maiñne unheñ terā kalām diyā hai aur duniyā ne un se dushmanī rakhī, kyonki yih duniyā ke nahīñ haiñ, jis tarah maiñ bhī duniyā kā nahīñ hūñ. Merī duā yih nahīñ hai ki tū unheñ duniyā se uṭhā le balki yih ki unheñ Iblīs se mahfūz rakhe.

(Yūhannā 17:14-15)

► *Duniyā ne un se dushmanī rakhī. Kyon?*

Unheñ Masīh kā kalām mil gayā hai, islie yih duniyā ke nahīñ haiñ.

► *Wuh kyon duniyā ke nahīñ haiñ?*

Īsā Masīh duniyā kā nahīñ hai, islie us ke shāgird bhī duniyā ke nahīñ haiñ.

► *Duniyā kyā hai? Kyā yih Ḳhudā kī ḳhalaq kī gai duniyā hai?*

Nahīñ. Ḳhudā ne har maḳhlūq achchhī banāi hai. Wuh chāhtā hai ki ham duniyā kī achchhī chīzoñ kā mazā leñ. Lekin yahāñ duniyā se murād wuh sab kuchh hai jo Ḳhudā ke ḳhilāf hai aur jis kā hukmrān Iblīs hai. Yāñī tārīkī kī

tamām tāqateñ jo Ẓhudā kī har achchhī chīz par qābū karnā chāhtī haiñ.

- *Kyā Masīh chāhtā hai ki shāgirdoñ ko duniyā se uṭhā liyā jāe?*

Nahīñ.

- *Kyon nahīñ? Kyā is se duniyā kī dushmanī khatm nahīñ hogī?*

Be-shak. Lekin shāgirdoñ kā is duniyā meñ rahne kā ek kḥās maqsad hai. Yih ki wuh duniyā meñ Ẓhudā kā kalām aur nūr phailāeñ. Ākḥir Masīh ke āne kā maqsad yih thā ki sab us par imān lākar halāk na hoñ balki abadī zindagī pāeñ. In meñ main aur āp bhī shāmil haiñ.

Islie Masīh kī duā yih nahīñ hai ki unheñ uṭhā liyā jāe balki yih ki wuh Iblīs aur uskī shaitānī tāqatoñ se mahfūz raheñ. Iblīs kī pūrī koshish yih hai ki har imāndār ko bigārkar khatm kare, kyonki use Masīh ke shāgirdoñ kā mission patā hai. Wuh jāntā hai ki unheñ is duniyā meñ islie rakhā gayā hai tāki wuh Ẓhudā kā kalām aur nūr phailāeñ, tāki jitne ho sakeñ najāt pāeñ.

Hameñ pūrī tasallī hai ki ham Īsā Masīh ke sāth jo angūr kī bel hai juṛ gae haiñ. Ab rahī mālī yānī Ḳhudā Bāp kī zimmedārī ki wuh hamārī dekh-bhāl kare. Wuhī hameñ janglī jānwaron se mahfūz rakhegā, wuhī hameñ har zarūrī chīz se nawāztā rahegā. Wuhī is par dhyān degā ki ham achchhā phal lāeñ.

► *Kyā āpko Ḳhudā kī yih hifāzat hāsil hai?*

Sachche shāgird kā chauthā nishān,

Ḳhudā ke lie Maḳhsūs

Īsā Masīh ne farmāyā,

Unheñ sachchāi ke wasīle se maḳhsūs-o-muqaddas kar. Terā kalām hī sachchāi hai. Jis tarah tūne mujhe duniyā meñ bhejā hai usī tarah mainne bhī unheñ duniyā meñ bhejā hai. Un kī ḳhātir main apne āpko maḳhsūs kartā hūñ, tāki unheñ bhī sachchāi ke wasīle se maḳhsūs-o-muqaddas kiyā jāe. (Yūhannā 17:17-19)

- ▶ *Īsā Masīh kyā chāhtā hai ki Ḳhudā Bāp shāgirdon ke sāth kare?*

Wuh chāhtā hai ki wuh unheñ apne kalām se maḵsūs-o-muqaddas kare.

- ▶ *Unheñ kis se aur kis tarah maḵsūs-o-muqaddas kiyā jāegā?*

Unheñ Īsā Masīh se maḵsūs kiyā jāegā. Apne āpko maḵsūs karne se Masīh unheñ maḵsūs-o-muqaddas karegā.

- ▶ *Īsā Masīh ne kis tarah apne āpko maḵsūs kiyā?*

Us ne apne āpko hamārī ḳhātir qurbān karne ke lie maḵsūs kiyā. Jald hī uskī yih qurbānī mukammal ho jāegī. Isī rāste se shāgird ke gunāh miṭāe jāenge. Is se shāgird pāk aur muqaddas hokar Ḳhudā ko mañzūr ho jāegā. Lekin har ek jise Masīh ne muqaddas kiyā use us ne maḵsūs bhī kiyā hai.

- ▶ *Masīh ne use kis ke lie maḵsūs kiyā hai?*

Us ne use Ḳhudā ke lie maḵsūs kiyā hai.

- ▶ *Use kis kām ke lie maḵsūs kiyā gayā hai?*

Use K̄hudā aur dūsron̄ kī k̄hidmat ke lie maḵsūs kiyā gayā hai.

Jab ham angūr kī bel ke sāth juṛ jāte haiñ to ham sarāsar bel kā hissā ban jāte haiñ. Wuhī hamārī rāhnumāi kartī hai, usī kā ras har pal hameñ naī zindagī detā hai. Ham pūre taur par usī ke haiñ aur usī kā mīṭhā phal lāte haiñ.

- *Kyā āpko Īsā Masīh se maḵsūs kiyā gayā hai?*
Sachche shāgird kā pāñchwāñ nishān,

Birādari meñ Ek

Īsā Masīh ne farmāyā,

Merī duā na sirf inhīñ ke lie hai, balki un sab ke lie bhī jo in kā paighām sunkar mujh par imān lāenge tāki sab ek hoñ. Jis tarah tū ai Bāp, mujh meñ hai aur maiñ tujh meñ hūñ usī tarah wuh bhī ham meñ hoñ tāki duniyā yaqīn kare ki tūne mujhe bhejā hai.
(Yūhannā 17:20-21)

- ▶ *Masīh na sirf pahle shāgirdon kī bāt kar rahā hai. Kaun bhī uskī duā meñ shāmil haiñ?*
Bād ke sab imān lāne wāle bhī is meñ shāmil haiñ.
- ▶ *Masīh kā paiḡhām sunāne kā kyā maqsad hai?*
Yih ki sab Masīh meñ ek hoñ.
- ▶ *Iskā namūnā kaun haiñ?*
Iskā namūnā Ḳhudā Bāp aur Farzand haiñ, jo pūre taur par ek haiñ.
- ▶ *Shāgird kis tarah ek ho jāenge?*
Is se ki wuh Ḳhudā Bāp aur Farzand meñ hoñge.
- ▶ *Iskā kyā matlab hai?*
Masīh, Ḳhudā Bāp ke tābe rahtā aur Ḳhudā Bāp har bāt meñ Farzand kī suntā rahtā hai. Wuh muhabbat ke bandhan se ghire rahte haiñ. Masīh ke najāt dene wāle kām se us ke shāgird bhī muhabbat ke is bandhan meñ ā jāte haiñ. Sirf yih bandhan unheñ mahfūz aur ek rakh saktā hai.
- ▶ *Aisī yagāngat kis tarah mumkin ho saktī hai?*

Na kisī tanzīm se, na kisī idāre se. Sirf Rūhul-quds se jo yih bandhan qāym rakhtā hai. Shart yih hai ki shāgird sahī mānoñ meñ maḥsūs-o-muqaddas hoñ. Is bandhan meñ rahte hue tamām qaumoñ ke imāndār ek ho jāte haiñ chāhe wuh qābile aur zabān ke hisāb se kitne muḥtalif kyoñ na hoñ. Īsā Masīh ne farmāyā,

Mainne unheñ wuh jalāl diyā hai jo tūne mujhe diyā hai tāki wuh ek hoñ jis tarah ham ek haiñ, main un meñ aur tū mujh meñ. Wuh kāmīl taur par ek hoñ tāki duniyā jān le ki tūne mujhe bhejā aur ki tūne un se muhabbat rakhī hai jis tarah mujh se rakhī hai. (Yūhannā 17:22-23)

► *Masīh ko kis kām se jalāl milā hai?*

Ham dekh chuke haiñ ki use yih jalāl apnī jān dene se milā hai.

► *To shāgird kis tarah ek ho jāenge?*

Shāgird Masīh kī qurbānī se mile is jalāl se ek ho jāenge. Matlab hai ki wuh tab ek ho jāenge jab ḳhud qurbānī dene ke lie taiyār raheᅅge.

► *Ek hone se duniyā kyā jān legī?*

Is se duniyā jān legī ki Ḳhudā Bāp ne shāgirdoᅅn se muhabbat rakhī hai.

Jab ham angūr kī bel ke sāth juᅅ jāte haiᅅn to usī kā ras tamām shāḳhoᅅn meᅅn dauᅅtā hai. Usī kā ras sab ke sab ko zindagī detā hai. Yih nāmumkin hai ki bel kī koī bhī shāḳh dūsri shāḳh ke sāth ek na ho.

► *Kyā āpko ek hone kā tajribā hāsil huā hai?*

Sachche shāgird kā chhaᅅā nishān,

Ek Din Masīh ke Pās

Īsā Masīh ne farmāyā,

Ai Bāp, maiᅅn chāhtā hūᅅn ki jo tūne mujhe die haiᅅn wuh bhī mere sāth hoᅅn, wahāᅅn jahāᅅn maiᅅn hūᅅn, ki wuh mere jalāl ko dekheᅅn. (Yūhannā 17:24)

► *Masīh apne shāgirdoᅅn ke lie kyā māᅅgtā hai?*

Yih ki shāgird us ke sāth raheñ aur ek din us ke pās hoñ.

► *Tab wuh kyā dekheñge?*

Uskā jalāl.

Lekin is duniyā meñ rahte hue bhī shāgirdoñ ko uskī himāyat hāsil hogī. Duā ke ākhir meñ Masīh ne ek wādā pesh kiyā,

Mainne terā nām un par zāhir kiyā aur ise zāhir kartā rahūngā tāki terī mujh se muhabbat un meñ ho aur main un meñ hūñ. (Yūhannā 17:26)

► *Wādā kyā hai?*

Yih ki āindā bhī Masīh Ḳhudā kā nām shāgirdoñ par zāhir kartā rahegā.

► *Nām zāhir karne kī kyā zarūrat rahtī hai?*

Nām zāhir karne kī zarūrat islie rahtī hai ki Ḳhudā Bāp kī muhabbat aur Masīh Ḳhud shāgirdoñ meñ raheñ.

Ġharz, jab ham Īsā Masīh ke sāth juḡ jāte hain jo angūr kī bel hai tab hameñ pakkā yaqīn ho

jātā hai ki jahān wuh hai wahān ham bhī ek din hoᅅge.

- *Kyā āpko yih yaqīn hāsīl hai ki āp ek din usī ke pās hoᅅge?*

Īsā Masīh angūr kī bel hai. Jo us ke sāth jur jātā hai wuh us ke jalāl meᅅ sharīk ho jātā hai. Us ke ragoᅅ meᅅ uskā ras dauᅇtā hai, islie wuh tabdīl ho jātā hai. Ḳhudā Bāp jo bel kā māli hai use tamām shāᅇhoᅅ samet shaitānī tāqatoᅅ se mahfūz rakhtā hai. Kyoᅅki uskī shāᅇheᅅ mīᅇhā aur rasīlā phal lāne ke lie maᅇhsūs kī gaī haiᅅ. Sārī shāᅇheᅅ ek haiᅅ, kyoᅅki sab bel se jurī huī haiᅅ, aur yahī wajah hai ki sab ke sab ek din Masīh ke pās hoᅅge.

Injīl, Yūhannā 17:1-26

Yih kahkar Īsā ne apnī nazar āsmān kī taraf uᅇhāī aur duā kī, “Ai Bāp, waqt ā gayā hai. Apne Farzand ko jalāl de tāki Farzand tujhe

jalāl de. Kyoṅki tūne use tamām insānoṅ par iḳhtiyār diyā hai tāki wuh un sab ko abadī zindagī de jo tūne use die haiṅ. Aur abadī zindagī yih hai ki wuh tujhe jān leṅ jo wāhid aur sachchā Ḳhudā hai aur Īsā Masīh ko bhī jān leṅ jise tūne bhejā hai. Maiṅne tujhe zamīn par jalāl diyā aur us kām kī takmīl kī jis kī zimmedārī tūne mujhe dī thī. Aur ab mujhe apne huzūr jalāl de, ai Bāp, wuhī jalāl jo maiṅ duniyā kī taḳhlīq se peshtar tere huzūr rakhtā thā.

Maiṅne terā nām un logoṅ par zāhir kiyā jinheṅ tūne duniyā se alag karke mujhe diyā hai. Wuh tere hī the. Tūne unheṅ mujhe diyā aur unhoṅ ne tere kalām ke mutābiq zindagī guzārī hai. Ab unhoṅ ne jān liyā hai ki jo kuchh bhī tūne mujhe diyā hai wuh terī taraf se hai. Kyoṅki jo bāteṅ tūne mujhe dīṅ maiṅne unheṅ dī haiṅ. Natīje meṅ unhoṅ ne yih bāteṅ qabūl karke haqīqī taur par jān liyā

ki main tujh mein se nikalkar āyā hūn. Sāth
sāth wuh imān bhī lāe ki tūne mujhe bhejā hai.
Main un ke lie duā kartā hūn, duniyā ke lie
nahīn balki un ke lie jinheñ tūne mujhe diyā
hai, kyonki wuh tere hī haiñ. Jo bhī merā
hai wuh terā hai aur jo terā hai wuh merā hai.
Chunāñche mujhe un mein jalāl milā hai. Ab
se main duniyā mein nahīn hūngā. Lekin yih
duniyā mein rah gae haiñ jabki main tere pās ā
rahā hūn. Quddūs Bāp, apne nām mein unheñ
mahfūz rakh, us nām mein jo tūne mujhe diyā
hai, tāki wuh ek hoñ jaise ham ek haiñ. Jitnī
der main un ke sāth rahā mainne unheñ tere
nām mein mahfūz rakhā, usī nām mein jo tūne
mujhe diyā thā. Mainne yon un kī nigahbānī
kī ki un mein se ek bhī halāk nahīn huā siwāe
halākat ke Farzand ke. Yon kalām kī peshgoī
pūrī huī. Ab to main tere pās ā rahā hūn.
Lekin main duniyā mein hote hue yih bayān
kar rahā hūn tāki un ke dil merī khushī se

bharkar chhalak uṭheñ. Maiñne unheñ terā kalām diyā hai aur duniyā ne un se dushmanī rakhī, kyoñki yih duniyā ke nahīn haiñ, jis tarah maiñ bhī duniyā kā nahīn hūñ. Merī duā yih nahīn hai ki tū unheñ duniyā se uṭhā le balki yih ki unheñ Iblīs se mahfūz rakhe. Wuh duniyā ke nahīn haiñ jis tarah maiñ bhī duniyā kā nahīn hūñ. Unheñ sachchāī ke wasīle se maḥsūs-o-muqaddas kar. Terā kalām hī sachchāī hai. Jis tarah tūne mujhe duniyā meñ bhejā hai usī tarah maiñne bhī unheñ duniyā meñ bhejā hai. Un kī ḳhātir maiñ apne āpko maḥsūs kartā hūñ, tāki unheñ bhī sachchāī ke wasīle se maḥsūs-o-muqaddas kiyā jāe. Merī duā na sirf inhīn ke lie hai, balki un sab ke lie bhī jo in kā paighām sunkar mujh par īmān lāeñge tāki sab ek hoñ. Jis tarah tū ai Bāp, mujh meñ hai aur maiñ tujh meñ hūñ usī tarah wuh bhī ham meñ hoñ tāki duniyā yaqīn kare ki tūne mujhe bhejā hai. Maiñne unheñ wuh

jalāl diyā hai jo tūne mujhe diyā hai tāki wuh ek hoñ jis tarah ham ek haiñ, main un meñ aur tū mujh meñ. Wuh kāmīl taur par ek hoñ tāki duniyā jān le ki tūne mujhe bhejā aur ki tūne un se muhabbat rakhī hai jis tarah mujh se rakhī hai.

Ai Bāp, main chāhtā hūn ki jo tūne mujhe die haiñ wuh bhī mere sāth hoñ, wahān jahān main hūn, ki wuh mere jalāl ko dekheñ, wuh jalāl jo tūne islie mujhe diyā hai ki tūne mujhe duniyā kī taḥlīq se peshtar pyār kiyā hai. Ai rāst Bāp, duniyā tujhe nahīn jāntī, lekin main tujhe jāntā hūn. Aur yih shāgird jānte haiñ ki tūne mujhe bhejā hai. Mainne terā nām un par zāhir kiyā aur ise zāhir kartā rahūngā tāki terī mujh se muhabbat un meñ ho aur main un meñ hūn.”